



Дебессын самокритикаез пачкато

Дебес партиорганизациись коммунист'ес районной партсобраниян ВКП(б) ЦК-лэн Пленумезлэсь решениоссэ активно обсуждать каризы. ЦК-лэн Пленумезлэн итог'ёсыз сярис Долгушев эшлэн лэсьтэм докладэз'я прениын, партийной ужис уно серьёзной тырмымтэос шараямын. Кылсарысь, **ВЛАДЫКИН** коммунист шуиз, нимысьтыз котькуд парти членэн но кандидатын уж уг нуисыкы. Куд'ёсыз первичной партиорганизациос полнокровной партийной улонэн уг уло. Райкомлэн инструктор'ёсыз партиорг'ёслы туж урод юртто. Первичной партиорганизациосы соос хозяйственной кампаниос уж'ёс'я уполномоченной'ес кадь гинэ вуыло. Райкомлэн бюро член'ёсыз колхоз'ёсы туж шер вуыло. Собраниян самокритикаез пачкатэм факт'ес шараямын. Райкомлэн секретарезлэн заместителез Козлов районной газетлэсь редакторэз Протопоповез даллашиз ВКП(б) крайкомлэсь членэз Ложкинэз газет вамен критиковать кариз шуса. Нош газетын критика шонер вал. Бёрысь Ложкин жуликен но разложиться карыськем элементэн оказатся

карыськиз, со понна партиись куштэмын. Педагогической училищын дышетисьёс но дышеткисьёс пёлын уно безобразной уж'ёс шёдскыло: пьянство, распушенность но мар. Та сярис куд-огез коммунист'ес но тодылызы но шарая о́з поттылэ. Богатырева студетка безобразносыз шараяны кутскиз но со понна солы успеваемостья урод отметкаос пуктыллям. Тужгес ик самокритикаез райисполкомын но МТС-ын пачкатылзы. Директорез политчастен воштысь **КОРЕПАНОВ** собраниян вераз, МТС-лэн директорез Малых бордгазетсы заметкаосыз кесяляз, куд'ёсыз со сярис гожтылэмын вал, нош партиорганизация син'ёссэ гинэ кырмыш'яз. Партийной руководствеоз, районась вань партийно-политической уезд чутрак умоятыны партийной собрание куриз. Правой отщепенец'ёсыз, Родинаез предать карысьёсыз Бухаринэз но Рыковез партиись куштэм сярис ВКП(б) ЦК-лэн Пленумезлэсь решениэз партийной собрание быдэ-сак одобрить кариз. **„УДМУРТСКАЯ ПРАВДА“**

Тронинээн супыльтэмез урод уже вуттоз

„Виль гурт“ колхозлэн председателез Тронин Василий (Лесагурт сельсовет), вал'ёс шоры тушмон синмын учке. „Вал'ёсыз кызы утёно—вордоно, со мынам уже бвёл. Со понна животновод конюх'ёс вань“ шуэ. Вал'ёс шоры тазы колхоз председатель учкемен, вал'ёссэс утялтон понна конюх'ёс

но уг сюдмасько. Вал'ёссэ ноку но уг сузьяллыо, уг парыло. Кытчы ке ветло, чик но уг эскеро. Соин ик вал'ёссы туж уродэсь, пукыса улон дыре вуэмын. „Мар бен вал'ёс ке урод, тракторен ведь гырозы“ шуса тушмон кылын Тронин супылтэ. Соин ик соослэн таче ужзы пбрмемын (учкы суредэз). **И-ысь.**



Тронин тракторен гинэ ужаны малпаське, вал'ёссэ кызыны уг дася.

„Андан“ колхоз Ленин нимо колхозэн огазеамын луыны кулэ

Милям „Андан“ колхозын арлы бьдэ кадь севооборот воштыське. Умой тутатэм севооборот вылэ ми ноку но ум вуылэ, соин ик азьпаламы кышкыт уж'ёс пуксэ. Шонер севооборот бвёл бере урожай трос уд басьты нй. Тани туэ нош ик землеустройство луоз. Милям муз'еммы Ленин нимо колхозэн отын но татын вис'яллымын. Озы бере, ужаны шуг. Соны понна ик ми уноез колхозник'ёс Ленин нимо колхозэн огазеаськыны мылдыдаськомы но милям колхоз правлениямы ужасьёсмы солы пумит. Туэ ке но „Андан“ колхоз Ленин нимо колхозэн о́з огазеаськы, та матысь ар, кык куспын огазеаськоз. Соку нош ик землеустройство ортчытоно, коньдон со понна тыроно, но главноез, нош ик севооборот тьяськоз. Ленин нимо колхозын горд сэрег но вань, милям горд сэрегмес автовокзал каризы. Тяни кызы милям колхоз правление колхозник'ёсыз понна сюдмаське.

Марксистско-Ленинской воспитаниез кужмоятоно

26 мартэ парткабинетын профактивен совещание орчтытэмын. Совещаниян ВКП(б) ЦК-лэн Пленумезлэн решениосыз сярис Долгушев эшлэсь доклад кылскемын но обсудить каремын. ВКП(б) ЦК-лэн Пленумез партиорганизациослэн ужысьтызы уно тырмымтэосыз но ошибкаосыз шараяз. Ужасьёсыз подобрать карон борды деловой кутсконоз деячествоен воштэмын, кадр'ёсыз марксистско-ленинской воспитать каронлэсь кулээ дун'ятэк ужан но

та вылем тырмымтэ уж'ёс вань шуиз пленум. Сыче тырмымтэос, ошибкоас асьме профсоюзной организациосын тужгес ик трос, шуиз совещание. Профсоюз член'ёсыз марксистско ленинской мылдыд'я воспитать карон понна, профсоюз член'ёслэсь политической тодонлыксыз вылэ жутоно понна политкружок'ёс организовать карылоно, но отчы ваньзэсты член'ёсты кысконо, шуса совещание одйг кылысь пуктыз. Сталинской Конституциез пырпоч изучать каронэз та полит-

кружок'ёсын нырысь ужен пуктоно. Советской союзэ капитализмез восстановить карыны вылысь антипартийной, преступной предательской ужзы понна правыйслэсь главарь'ёссэс Бухаринэз но Рыковез ВКП(б) радьсы поттэмез профсоюзной активлэн совещаниез одобрить каре. Политической тодон валанмес узырмытыса классовой бдительностьмес дас полды вылэ жутоно шуиз совещание. **П. Г.**

Бесхозяйственность

Дебес сельпо туж ик бесхозяйственно ужа. Кооперациянь вузасьёслы вуэм вуз'ёс (уробоос, плуг'ёс) отын но татын сельполэн контора азбарейтэз куямын. Уробоослэн вайыж'ёсы но мукет марке частьёсыз чик но бвёл нй. Тазы ужоме нызы квартал орчтыса остаток снимать карыны кутско ке, со но, та но уг окмы, соин ик растратаос луо. Социалистической собственностиз тус-тас карисьёслы кулэ ужрад'ёс кутэмын луыны кулэ.

Колхозник'ёс.

Котьмар сярис вакчияк

Лесагурт Сельсоветысь „Виль гурт“ колхозысь С. Я. Воронцовлы трос пинало шуса правительство юрттскиз: 2000 манет коньдон сётыз. Та коньдонэз Воронцов юыса гинэ быдтыз, пинал'ёсызлы но кыче дйськут но о́з басьты. Табере Воронцов възьытэк райисполкоме лыктыса коньдон куле. **Б.**

Массово-воспитательной ужез умоятоно

Кировской ВЛКСМ крайкомлэн отчетэз'я ВЛКСМ ЦК-лэн постановлениез сярис но Удмуртской обкомлэн пленумезлэн итог'ёсыз сярис, Дебесысь ВЛКСМ райкомлэн пленумез Тынашев эшлэсь докладэз кылкыса пус'е: ВЛКСМ ЦК-лэн бюроезлэн решениэз шонер но дыраз кутэмын. ВЛКСМ ЦК-лэн бюроезлэн шонер решениэз быдэсак Дебесысь комсомольской организацилы но относиться кариське. ВЛКСМ-лэн X с'ездэзлэсь но кыкетй пленумезлэсь решениоссэс ужен быдэстон понна большевистской нюр'яскон организовать карымтэ. Пропагандистской уж туж урод пуктэмын, сое политшколаослэн но куд-огезлэн пропагандист'ёслэн урод ужамзы возьматэ. Зар-Медлае пропагандистэн Серебрянников, Пыхтае Лоскутов юнматэмын, таос номыре но о́з лэсьтэ на. Куд'ёсыз пропагандист'ёс нош занятие формально орчты'яло. Конспект'ёстэк (Нимошур но средней школаын). Соин ик та школаосын орчем темаос сярис номыре ик уг тодо. Политучебае ваньмыз уг ветло (пед-

училище). Нош тросэз комсомол организациос политбразованиен уг но дышетско. („Урожай“, Н-Пыхта, Уйвай-медла колхоз'ёс, Зар-Медла сельсовет). Комсомолын сылсьтэм егит'ёс пёлын массово-воспитательной уж чидантэм урод пуктэмын. Комсомольской организациос, тужгес ик колхоз'ёсын, уг будо (21 колхоз'ёсын гинэ первичной организациос). ВЛКСМ райком паласен но кивалтон уж, тужгес ик пропагандистской уж, умой пуктэмын бвёл. Та пумысен пленум пуктыз: 1-ти апрелэз ваньмызлэсь пропагандист'ёслэсь ужзэс эскерыса, лябэсь пропагандист'ёсты умоесь комсомолец'ёсын но ВКП(б) райкомэн вераськыса коммунист'ёсын воштоно. Пропагандист'ёслэн семинарызылэсь ужзэс умоятоно шуиз пленум. Толэзылы кык пол семинар пропагандист'ёслы лэсьтоно, соослэсь дасяськемзэс эскерылоно. Озы ик ужзэс контролировать карыса, ужамзы сярис отчетсэс кылкылоно. Комсомолец'ёсын—одиночкаосын толэзылы быдэ кык пол

занятие орчтытылоно. Личи комсомол организациосын ужзэс юнматон пумысь, со организациосы нештатной пропагандист'ёсты юнматылоно, шуиз пленум. Соослы ВЛКСМ-лэсь уставэз но программаз, Сталинской Конституциез изучать карыны косоно. Комсомолец'ёс но комсомолын сылсьтэм колхоз'ёсысь егит'ёс пёлын-массово-воспитательной ужез умоятон вамен азылынысь егит'ёсыз комсомол радэ кысконо, шуса пленум решениаз гожтыз. Со-лы понна, кудке колхозын комсомол организация бвёл на, отсы райактивысь комсомолец'ёсыз юнмат'яллыно но соослэн ужамзы сярис вискарытэк отчет'ёссэс бюорын кылкылоно. Райкомолэ лекторской группа кылдытыса, политической воспитание нуыны понна со лектор'ёсты куст'ёсы юнмат'яллыно. Толёнысь, Ариковоысь, Нимошурысь, Дебесысь, Уд-Лемысь средней школаослэсь ужзэс восстановить кароно. Соослэн ужамзы сярис 5 ап-

реле бюорын отчетсэс кылсконо. Дышетскимтэосыз дышетон урод мынэмез лыдэ басьтыса, та ужез умоятыны понна ношна 30 комсомолец'ёсыз культармеецен ужаны вис'яно на шуиз пленум. Тулыс кизён дыр'я колхозник'ёс пёлын массово-воспитательной уж нуыны вылысь кык культбригада кылдытоно. Озы ик колхозной клуб'ёслэсь, горд сэрдг'ёслэсь ужзэс эскерылыса, отсы умоесь комсомолец'ёсыз ужаны пуктылоно. Тулыс кизён дыр'я колхозник'ёсыз умой обслуживать карон организовать карыны понна, РОНО-ен чош культармеец'ёсыз, гордсэреген, колхозной клуб'ёсын тодыг'ясы кысьёсты отьылыса совещание орчтытоно. Районамы физкультурной но военной уж чидантэм урод пуктэмын шуса пленум пус'из но, та уж'ёсыз одно ик матысь нуналэ умоятыны Черемных но Бузанов эш'ёсыз до-сий. Пионер'ёсын ужанэз умоятон пумысь пленум конкретной решениос кутыз.

Опарин, Серебрянников

Редактор И. К. Протопопов Потт'ис Райисполком